

اداره خانه

باب عالی جاده سنده دائره مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدرد. ممالك اجنبیه ده
سنه لکی (۱۷)، التي آیلغی (۹) فرانقذر.
[ایضاحات: نسخہ سی الی پاره، التي
آیلغی بر جلد، هر جلد ۲۶ نسخہ در.]

اخطارات

§ آبونه بدلی پشیندر،
§ آدرس تبدیلنده قرق پارہ لک
یول کوندرالمی در.
§ مسلک موافق آثار مع الممنونیه
قبول اولئور. درج ایدیلمه یازیلر
احاده اولونماز.

سنگین کمال

اخطارات

رساله مزدن آلتدیغی کوسترملک شرطیلر
بتون یازیلر هر هانکی بر غزته طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی؟

§

ممالك اجنبیه ایچون آبونه اولانلرک
آدرس لرینک فرانسیزجه سی ده یازلمسی؟

§

پاره کوندرلدیکی زمان نه یه دائر اولدیغنک
واضحاً بیلدرلمسی رجا اولنور.

دینی، علمی، ادبی، سیاسی هفته لک مجموعه اسلامیه.

بزه کلنجه مستعیناً بتوفیقہ تعالیٰ اردو من ایلری حرکتہ باشلامش،
جناب حقت عنایتیلہ عہدہ سنہ دوشن وظیفہ بی ایفایہ شہ تابان اولمشدر .
بوتون افراد ملت لندن کلن فداکارانی دریغ ایتمز سہ مأمولدر کہ اسلامک
یوزی برپارچہ کولر، بوکوک بونی برپارچہ طوغرولور . «ان تنصروا
الله ینصرکم»

ترکستان :

«خوقند» ده انتشار معارف . — ترکستان روسینک الک بیوک
شهرلرندن (خوقند) دن قریمدکی (ترجمان) غزته سنہ سابق خوقند
خانلقنک یاخنی اولان شهر شهرده اصول جدیدہ اوزره معارفک
انتشاری حقندہ معلومات آتیہ وارد اولمشدر: تدریساتی اصول صوتیہ
اوزره اولان یکی اسلام مکتبلرندہ بری برنی متعاقب سنوی امتحانلر
کال موفقیتلہ اجرا ایدلمکدہ در . امتحانلرندہ حاضر بولغان معتبران
اصول صوتیہک بخش ایلدیکی سرعت و موفقیت تحصیلدن حیران
قالمشلر و معلملرک سعی و غیرتی بر آوردہ لسان تقدیر ایلشدر .
امتحانلرندہ اصول جدیدہک نہ قدر مفید اولدیغنی کورمن معتبران
(خوقند) ک ایکنجی دائرہ اداره سی قاضی مشاہیر علمدار داملا
کمال الدین افندی (خوقند) شہرینک اوچنجی بلدیہ سی دائرہ سی داخلندہ
ایکی قانی بر مکتب تأسیسنہ قرار ویرمشدر . بومکتبک اسمی (کالیہ)
اولہ جقدر . انشا آت ایلرولمشدر . قاضی مشارالیه امین جانبای
مدرسہ سنک یانہ دخی آریجہ بر رشدی مکتبک تأسیسنہ همت ایلشدر .
قاضی معارفور بو مؤسسات ایچون کیسہ هیتندن ۶۰,۰۰۰ روبلہ
تخصیص ایلشدر .

طرابلس غرب :

مجاهدین اسلامینک موفقیتی . — ۲۹ حیران افرنجی
تاریخندہ طرابلس غربدن وارد اولان خصوصی بر تاغرافہ کورہ تاریخ
مذکورہ احوالیدہ ایتالیانلرلہ عربلر آردہ سنندہ غایت شدتلی و سورکلی
بر محاربه دوام ایدہرک نتیجہ دہ عربلر ایتالیانلرک یداشغالنه کچن (بشارہ دمارہ)
موقعی تکرار استیلا ایتشلدر . بوقوعہ دہ ایتالیانلرک تلفاتی ۱۲ ضابط
واوچ بیک نفرزادہ سنندہ اولدیغنی تخمین اولنیور . دیگر طرفدن وارد اولان
خبرلرہ نظرأ بیوک بر مصادمہ دن و ایتالیانلرک بر جوق تلفات و غنائم ویر-
ملرینی انتاج ایدن هزیمتلرندن سوکرہ عربلر زاویہ سعیدی رافع وابی
زراع و المفیدیہ موقلرینی تکرار اشغال ایتشلدر .

رجا

آبونه و کتاب بدلاتندن طولای اداره خانہ یہ بورجی قالانلرک
لطفاً بو کونلرندہ تسویہ دینہ همت بیورملری رجا اولنور .

اشرف ادیب

سلانیک مطبعہ سی

کراچی ، عین زماندہ براردو کاه مجاہد . حدود واقع اولدیغنی جہتلہ داتما
جواردہ عسکر اکسیک دکا ر . فقط قصبہ ، احلندہ بو عسکرلرک برینہ بیلہ
تصادف ایدلر . هر نہ دنسہ عسکرک اہالی ایلہ اختلاطی انگلزلر ، مناسب
کوردہ یورلر . بناء علیہ قصبہ خارچندہ اوچ بش کیلومترو اوزاقلغندہ کندیلرچون
باراقلر و چادرلر احضار ایدلش و ورالردہ امانت و تعلیم ایلہ امرار اوقات
ایلدورلر . کراچی قصبہ سنک خارجی قوملقدردہ ، اورالردہ باغ ، باغچہ
یتشدیلرلور . کراچی صوبی دہ ائی بر صو دکلدہر . آجی ہمیل و انسانک ذائقہ سنی
بوزان بر صودر . امور اداره ایلہ موظف اولان رؤسای ایلہ اورتہ رتبہ دہ کی
مأمورلر و عسکرہ قوماندان و ضابطانک جلہ سی انگلزہ صرینہ منسوب اولوب .
کوچوک وظیفہ لرلہ ، چاؤ و باش چاوش رتبہ نندہ اولان مأمورین ملکیتہ و عسکرہ
پرلیرہ منحصر در . دواژ حکومت و بلدیہ دہ . محاکمہ لسان رسمی انگلزجہ
اولقلہ برابر اہالیانک نجی بوزدہ بشی انگلزجہ لسانہ واقف بولنیورلر . قصور
قالانلر ایسہ ہپ اردو لسانیلہ ہندستانہ مخصوص کجراتی و سراتی لسانلرلہ تکلم ایدرلر .
ساعت درت الافرانہ دہ تکرار واپورہ کلرک کراچیدن عزیمت ایتدک .
دکتر فوق الامادہ متبیج ایدی . واپوری آت اوست ایدیوردی .
یولیئرک جلہ سی دکتر طومش و هرکی استفراغ ایتکہ مجبور ایتشدیدی .
هرکی بر نوم مجبوری استیلا ایلش و بایغین برجالہ دوچار اولمشلردی ، ہلہ
واپورہ هجوم ایدن منفرد طالبہ لر - کہ هربری رطاغ حسامتندہ ایدی -
انسانی تدمیش ایدیوردی . ساحل سلامتہ آباق باصہ جغزی پک مشکل تلق
ایدیوردم . ہلہ کراچیدن ، قرمدن شمد و فرلہ نیچون کیتہدیکہ بوزکرہ پشجان اولدم .
واپورک یمکاری دہ ائی برشی دکلدی . بیکدن باشقہ هر برشیتہ بکزیوردی .
بحرہ یہ نسب ولان انگلزلرک بویکی فصل بیدکاریتہ تعجب ایدیوردم .
حقیقہ بولنلرندہ معدہ دکل ، برانبار و ارایدی . فرانسزلرک je n'ai pas
un estomac anglais (بندہ بر انگلز معدہ سی یوقدر) سوزی
خاطرہ کدکجہ کندیمی حیرتدن آلہ میوردم . بش وقت یمک ، اودہ بولہ ایکرنج
کتیرہ جک شیرنی واپردہ کی مستخدمہ نکلزلر کال اشہا ایلہ تناول وازرندہ دہ پیو
- چوق - لرخی چکیورلردہ .

حاصلی و توزاتی ساعتندر برزماں بودیدیکم واپورہ جالقالانہ جالقالانہ
کچیردکدن سوکرہ (بومای) لیمانہ سلامتہ مواسات ایلدک .

حاشیہ : — بومقلہ بی پوفہ دہ و محققم بر قصر ایچندہ یازیوردم . بونصر
ایلہ صاحبہ دائرہ تفصیلات آئیدہ کی مقالہ دہ بیان اولنہ جقدر .

ہندسانک (بونہ) قصبہ سندن:

س . م . م . نویسی

شیون

بالقان محاربه لری :

حق بری بولور . — صلیب نامنہ بایراق آچہرق وحشیانہ
قل عاملرلہ یوز بیکلرچہ معصوم قانی آقیدان ، اسلام یوردلرینی
پریشان ، معصومہ لرینی خراب ایدن متفق بالقان اقوام نصرانیہ سی نہایت
انتقام الہی یہ اوغرایہرق بر برینہ دوشدیلر ، اسلامہ قارشی اجرا
ایتدکاری مظالمک جزاسنی کندی اللریلہ کورمہ یہ باشلادیار . حقہ قارشی
اک سرکشانہ حرکت ایدن بلغار جزانک اک بویوکنہ دوچار اولدی
وان شا الله دہادہ اولہ جقدر . دیگرلرینک دہ عن قریب جزای
سزالرینی بولہ جقلری شہہ سزدر .